

B. 61.



PROGRAMMA,
 QUO
PRAELECTIONES
PUBLICAE
 AD MATERIAM
 DE
O R T U
 ET
PROGRESSU
 PRAECIPUARUM MATERIARUM
IURIS ECCLESIASTICI
 IN AUDITORIO PUBLICO HABENDAE
 &
 D. SEPT. XXII. AUSPICIENDAE
 INDICANTUR
 a
JUSTO HENNINGO BÖHMERO, D.
 P.P. ET FAC. IURID. ASSES.

HALÆ MAGDEBURGICÆ
 Typis Joh. Christiani Zahnii, Acad. Typogr.





Nte bimestre spatium absolui prælectiones publicas ad tractatum, quem ante annum edidi, de *iure publico vniuersali*, & quia temporis ratio postulat, vt instante hyeme auspiciis diuinis ad prælectiones iuridicas reuertar, e re esse duxi, talem iuris materiam præoptare, quæ sua utilitate singulari se commendaret, nec tamen priuatos intra parietes commode exponi, & digne explicari posset. A pluribus quippe annis mihi in more positum fuit, vt lectiones hyemales priuatas, hora III. pomerid., explicationi iuris canonici ad ductum aphorismorum Arnoldi Coruini destinarem, & cum instanti semestris spatium, post festum Michaelis, hora consueta, ad eundem laborem reuerti animus sit, elegi materiam, publicis prælectionibus inferuentem, quæ priuatis curis ad ius canonicum Coruini lucem & manum præbere, & faciliorem exitum studio *iuris ecclesiastici* promittere posset. Constat enim ex omnium tum confessione tum ipsa experientia, nullam iuris partem recte & solide tradi & intelligi posse, sine luce historiarum & antiquitatum, vt proinde nihil magis iurium cultori curæ cordique esse debeat, quam ipsas quarumcunque rerum iuridicarum euoluere origines. In iure Romano vix quisquam felicissimos exitus facere poterit, nisi antiquitates Romanas in subsidium vocauerit. Et quis in iure publico imperii nostri tam hospes est, qui negare audeat, hanc disciplinam sine cognitione historiarum status Germanici antiqui recte explicari posse? Speciatim vero iuris ecclesiastici tanta est sine cognitione historica obscuritas & difficultas, vt qui origines quarumcunque materiarum huius doctrinæ negligat, & otiosas esse iudicet, vix conceptum *quendam*, ne dicam *verum*, de illis sibi formare possit. Inde tot errores, tot fluctus, tot concertationes de quibusvis iuribus
occur-

occurrunt, quæ plerumque originem ex neglecta originum inquisitione trahunt, & ita incertissimas quæstionum decisiones producant. Cum itaque origines rerum euoluere in hoc studio ad modum necessarium sit, id quod etiam in *dissert. præliminari ad Petrum de Marca de concord. sacerdotii & imperii*, fufius ostendi, iam quidem in eo sum, vt dissertationes quasdam *iuris ecclesiastici antiqui publici iuris* faciam, quemadmodum eas etiam iam prelo commisi, & ita hoc opusculo eorum industriæ succurram, qui studio iuris ecclesiastici solidiori operam dare ingrediuntur; quia tamen paucissimæ tantum sunt, & omnium rerum ecclesiasticarum origines non exhauriunt, constitui, publicis prælectionibus, potiorum materiarum *iuris ecclesiastici origines* euoluere, & simul progressus vltiores earum ostendere, vt, his cognitis, ipsa iura, quæ inde nata sunt, faciliore labore in collegio priuato ad *aphorismos Coruini* tradi & explicari queant. Cum vero compendio omni destituar, cuius ductu hanc explanationem ingredi possim, rem omnem aphorismis concisis complecti & calamo mandare necesse erit, in quo labore eo temperamento vtar, ne tædium in dictando Auditoribus honoratissimis creem, sed potius omnia vna voce plenius & fufius explicem. Vt autem simul constare queat, de quibus rerum iuridicarum originibus agere animus sit, ad certa capita easdem reuocaui, & hic subiungere e re esse duxi. Initium harum lectionum in publico auditorio fiet V. D. futura d. XXII. Septembr. & quidem hora IV. post meridiana. Ceterum priuatis lectionibus post festum Michaelis *aphorismos Coruini ad ius Canonica* hora III. pomerid. *introductionem meam ad Digesta* hora I X. matut. & II. pomerid. porro *Struuii Iurisprudentiam* hora XI. matutina explicabo, additurus, nundinis finitis, hora X. matut. Collegium ad *Hoppii Examen Institutionum*. Faxit Deus feliciter. Dab. in alma Fridericiana d. X. Septembr. MDCCX.

Syl-

SYLLABUS CAPITUM DOCTRINÆ
DE
ORIGINIBUS IURIUM ECCLESIASTICORUM.

- Cap. I. De origine Ecclesiarum.
II. De origine Dioecesium.
III. De origine Parochiarum & iuris parochialis.
IV. De origine Synodorum.
V. De origine Presbyterorum & Diaconorum.
VI. De origine Episcoporum. Archiepisc. & primatum.
VII. De origine patriarcharum & speciatim de pontifice Romano.
VIII. De origine Cardinalium.
IX. De origine legatorum sedis Romanæ.
X. De origine electionis & postulationis.
XI. De origine ordinationis.
XII. De origine Pallii.
XIII. De origine coadiutorū aliorumque vicariorum.
XIV. De origine capitulorum.
XV. De origine militiæ sacræ.
XVI. De origine iuris Patronatus.
XVII. De origine Monachatus & Monasteriorum.
XVIII. De origine legum Ecclesiasticarum.
XIX. De origine Iurisdictionis Ecclesiasticæ.
XX. De origine disciplinæ Ecclesiasticæ.
XXI. De origine Liturgiæ, baptismi &c.
XXII. De origine confessionis auricularis.
XXIII. De origine Oblationum decimarum aliorum.
XXIV. De origine indulgentiarum. (que prouent.
XXV. De origine confirmationis & vnctionum.
XXVII. De origine templorum & coemeteriorum.
XXIIX. De origine bonorū eccles. & præbendarum.
XXX. De origine annatarum.
XXXI. De origine Mensium papalium.
XXXII. De origine festorum.


Af 364^a

ULB Halle 3
001 602 721



Sb.





18

PROGRAMMA,
QUO
PRAELECTIONES
PUBLICAE
AD MATERIAM
DE
ORTU
ET
PROGRESSU
PRAECIPUARUM MATERIARUM
IURIS ECCLESIASTICI
IN AUDITORIO PUBLICO HABENDAE
&
D. SEPT. XXII. AUSPICIENDAE
INDICANTUR
JUSTO HENNINGO BÖHMERO, D.
P.P. ET FAC. IURID. ASSES.

HALÆ MAGDEBURGICÆ
Typis Joh. Christiani Zahnii, Acad. Typogr.